

جریدہ علمیہ

مشیخت جلید اسلامیک جریده رسمیه سیدر
محرم الحرام ۱۳۳۸

عدد ۴۹

آیدہ بر نشر اول نور

بشقی منہ

اگر تعطیل اولنه حق اولسه آنک تعطیلی ایله بو آلامک مفسدستدن دها بیوک بر خیرده تعطیل اولنه حقدر .

الجاهل شر نه ذاتنده ، نه صفاتنده ، نه اسماننده ، نه افعالنده جناب باری به اضافه اولونماز . ذات باری کمال مطلق ، صفات باری صفات کمال ، اسماء سبحانیه کافه اسماء حسنی ، افعال الهیه کافه خیر و مرحمت ، عدل و حکمتدر ، آنده شر یوقدو ، شر مخلوقات و مفعولاتدهدر . ذات باریدن آیریدر . چونکه فعلی مفعولندن آیریدر . فعلی کافه خیردر ، فقط مخلوق و معقوله خیرده واردر؛ شرده . شر مخلوق و آیری اولورسه جناب حق ایله قائم اولمزه جناب حقده اضافه اولنه ماز .

۲۰ ایلول ۳۳۵

دارالحکمة الاسلامیه اعضاسندن ازمیرلی

اسماعیل هقی

دارالحکمة الاسلامیه بیاننامه سی

ای مسلمان !

بیك اویچ یوز اوتوز سنه دن بریدر ، عشرتی الك بیوک حراملر صیره سنده صایدك ، حق انسانی بر چوق ایكرنج كناهلره ایمره نه چك حاله كتیردیكى ایچون كبأترك الك باشنه كیبردك ، قطره سنه ال صومعه نی بر معصومك قاننه كیرمكن ، بر عصمتی آياقلا آلتنه آلمقن دها شنیع كوردك ، كندی صنعك اولیهرق ، ازقضا ، اوزرینه صیچراسه اتكینه لوٹ بولاشمش قدر متأذی اولدك ، عیاشه سفالتك صوك دركه سی بویلامش اك بدیخت بر مخلوق نظریله باقدك ، شرابی آغزه قویمق شویله طورسون بر مسلمان طرفندن آغزه آلدیغنی ایشتهك « حقیقی مقصود اوله ماز ، مجازدر » دیدك سنك بو حركتلرك ، بو قناعتلرك ، بو تلقیلرك نه قدر مشروع ، نه قدر صاعلام ، نه قدر حكیمانه ایدی . یازیقلا اولسونكه صوك زمانلرده استکی طورك دكیشدی ، ایمانك صارصلدی ، نظرك باشقه لاشدی ، آرتق سرخوشلقن اوقدر متفر دكسین . آرتق عشرتک انسانیت ایچون یوزلر قاده سی اولدیغنه او قوتله قانع بولونمورسین ، آرتق عیاشلری الك آجینه حق مخلوقلا صرمه سنده كورمورسین ،

بو سنده کی انقلاب نه قورقونج بر انقلابدر ، بیلورمیسین ؟ بتون جهان مدنیت

سنگ اون درت عصر اول ایمان ایتدیکک حقیقی بو کون حرزجان ایتک اشتیاقنی کوسترکن ،
نصل اولویورده ، سن عمان ازلک بسله یوب ، یتشدیروب قوجاغنه آندینی ، او بر یرده
بولماز ، اینجی بی پامال ایتک ایستورسک ، آمان کوزکی آج ! آمان ، عقلکی باشنه آل !
حیاتنه ، شرفنه ، حیثیتنه ، اولادینه ، احفادینه قیقم ایستین - اینجکی دیدکلری - بو
دشمن ایله صاقین قیامت قدر بارشمه ! اونک سکا دوست کورونه رک و یرم چکی ذوق اوزون
مدت کیتمز ، لکن صکرده دن اوزرینه چوکه جک خماری عمرکجه سوررده ینه بتمز! آمان ،
بو مهلک زهری قانه بولاشدیروبده نسلندن کله جک بی کناهلری آشلامه ! کندینه
آجمازسه ک باری یاورولرینه آجی ! کندینی یاقه جقه ک جکر پاره لرکی اولسون ، یاقه !
بیلیرسین که اونلر سکا اللهک هم احسانی هم امانتیدر ، احسانه شکران ایله امانته صیانت
ایله مقابله اولنور . اولکنه قارشو کفران صکره سنه قارشو خیانت هیچ سنگ کی بر
مسلماننه یاقیشیری ؟

بر دین قارداشک یوره کندن قوپان بو فریادلر سنی متأثر ایدم بیلدیه نه موطلو سکا !
فبشر عباد الذین یستمعون القول . .

دائرة مشیخته انعقادی مقرر اولان اخلاق قومیسینی ۱۷ ایلول سنه ۳۳۵
تاریخه مصادف چهارشنبه کونی برنجی دفعه اولق اوزره دارالحکمه ده اجتماع ایله دی .
بو اجتماعه امنیت عمومی مدیریت حسام الدین بک ، دیوان تمیز عسکری باش مشاوری
احمد بک ، نافع نظارتی ، مأمورین مدیریت رشید بک ، تجارت نظارتی امور بیطریه مدیریت
علی رضا بک ، اوقاف نظارتی هیئت تفتیشیه رئیس معاونی و امق شکری بک ، شهراماتی
امور حقوقیه مدیریت بدری بک ایله دارالحکمه اعضاء حاضر بولندیلر .

انجمن ، دارالحکمه رئیس وکیلی حسین عونی افندی حضرتلری طرفندن ایراد
اولان آئیمه کی نطق افتتاحی بی متعاقب کشاد ایدلدی :

« برزماندن بری ملت اسلامی بی ایچین ایچین کمیرمکده اولان فساد اخلاق شو صوک
کونلرده الک لاقید نظرلری بیله اورکوده جک درجه لرده وخامت کسب ایتمکه باشلادی .
افراد امتدن هیچ بر فرد یوقدرکه بنیه اجتماعیه مزئی تملندن صارضان بوخسته لغک تدویمی
لزم عاجلنی حس ایتمش اولسون .

دارالحکمه الاسلامیه بو خصوصده اتخاذی مقتضی تدابیری دوشونیرکن دوائر عالیّه

سائر ده کی رجال عرفان و حقیقت آرای صائبه سندن ده مستفید اولق لزومنی کوردی .
شیخ الاسلام افندی حضرتلری ده بولزومی تأیید بیوردیلر ؛ ایشته اوسایه در که مجلسمز
شو سماعته بر جوق ذوات عالیه نک شرف حضورتله مشرف بولنیور . بناءً علیه تشرف
ایتدی کمز ذوات محترمه یه اول امرده وظیفه خوش آمدی بی ایضا ایلم .

مملکت مزك اخلاق و اجتماعی رابطه لرنده شایان تأسف بر ضعف کورلدیکی و حسیات
دینییه نک گوشه دیکی جهته اخلاق عمومیه یه و هن طاری اولدینی قابل انکار دکلدیر . فقط
اک زیاده شایع اولان منکرات و بنیه اجتماعی و دینییه مزه مضر اولان حالات و فحش ، قمار ،
عشرت ، مقدساته تعرض کی دینه و اخلاقه مغایر اولان شیئر اولدینی ایچون بزده اول
بولنری موضوع بحث ایده لم ؛ بعده فروع متباییه کبریشه لم . ایشته بو مطلوبک حصولی
ایچون مستعیناً بتوفیقه تعالی مجلسی کشاد ایدیورم ؛ مذاکرمه باشلایه بیلیرز ؛ همان جناب
حق معینمز اولسون و جمله مزی موفق بالخیر بیورسون آمین .

بونی متعاقب پنجمین کونلری یوم اجتماع اولق اوزره قبول ایدلمش و موضوع بحث مواد حقنده
مذاکرات جریان ایتد کدن صکره اول باول عشرتک منعی چاره لری دوشونیللمی تقریر ایتشدیر .

عدم دیانت و اخلاق سزلق

جریده علمیه نک ۴۸ عددلی نسخهنده عدم دیانت و اخلاق سزلق حقنده برعریضیه
دار الحکمة الاسلامیه طرفندن ویریلن جواب انتشار ایتشدی . وقت غزیه سی بوجوانی
تشرین اولک ۱۲ نجی بازار کونکی ۶۹۸ نومرولو نسخهنه بعض مطالعات علاوه سیله
درج ایتمش اولدیقندن تنویر حقیقته مدار اولور اعتقادیه بو بایده بعض ملاحظات سردی
فائده دن خالی کورلمه دی .

مذکور جوابده جمعیات مدنییه نک تکامل لرنده اوچ بیوک ترقی دوره سی کچیردکلری ،
اک اسکی دوره ده بولنان بر جمعیت مدنییه نک معاملات خارجیه ی آز یاخود مفقود اولوب
همان هر یرده حکمفرما اولان نیم مدنی ، نیم وحشی اقوامه یاخود رقیب بر دوله قارشی
کندینی مدافعه یه مجبور بولندوغی ، و بو صورتله جمعیتک قوتی قسم عظیمی اعتباریه بلع
ایدیه لره جمعیت داخلنده کی ده کوجک جمعیتلرک تشکیل قانونیسنه و اقتصاداً انکشافه